



CONVENIO ESPECÍFICO DE COLABORACIÓN ENTRE A UNIVERSIDADE SANTIAGO DE COMPOSTELA E A CONFEDERACIÓN DE EMPRESARIOS DE LA CORUÑA

En Santiago de Compostela, [data/sinatura dixital]

REUNIDOS

Dunha parte, Antonio López Díaz, reitor da Universidade de Santiago de Compostela, segundo o nomeamento contemplado no Decreto 35/2022, do 17 de marzo (DOG 22 de marzo), actuando en nome e en representación desta en virtude dos poderes recollidos no artigo 50 da Lei orgánica 2/2023, do 22 de marzo, do Sistema Universitario, e do Decreto 14/2014, do 30 de xaneiro, polo que se aproban os Estatutos da Universidade de Santiago de Compostela, con CIF Q-1518001-A, sede social no Colexio de San Xerome, praza do Obradoiro, s/n, 15782 Santiago de Compostela.

E, doutra parte, D. Antonio Fontenla Ramil, actuando en representación da Confederación de Empresarios de La Coruña, organización de carácter intersectorial e ámbito provincial, creada o 24 de xuño de 1977 para a coordinación, representación, xestión, fomento e defensa dos intereses empresariais, xerais e comúns, dotada de personalidade xurídica e plena capacidade de obrar para o cumprimento dos seus fins, con CIF G15029960 e domicilio na Praza Luis Seoane Torre 1, A Coruña, en calidade de presidente desta entidade, nomeado mediante Asemblea Xeral con data do 26 de xuño de 2024.

Ambas partes recoñecen mutuamente a capacidade legal necesaria para a sinatura do presente Convenio, en nome das entidades que representan e

MANIFESTAN

Que a Universidade de Santiago de Compostela (en adiante USC) é unha institución pública dotada de plena personalidade xurídica, que asume e desenvolve as súas funcións como servizo público esencial á comunidade mediante o estudo, a docencia, a investigación e a transferencia do coñecemento.

Que a Confederación de Empresarios de La Coruña (en adiante CEC) ten por obxecto e fins:

- Fomento e defensa do sistema de iniciativa privada e economía de libre mercado
- Promoción e defensa da unidade, integración e cooperación empresarial
- Propicio do desenvolvemento económico do país como medio para acadar unha situación social máis xusta
- Representación e defensa dos intereses xerais e comúns do empresariado ante a sociedade, a Administración e as organizacións das persoas traballadoras, sendo os medios típicos de acción a negociación colectiva, a presentación de conflitos colectivos de traballo, o diálogo social e a participación institucional nas Administracións públicas e os seus organismos, para a defensa dos intereses xerais do empresariado.

- Fomento e promoción da formación, dirixida a empresas e persoas autónomas, persoas desempregadas, persoas traballadoras en activo, e incluída a formación profesional dual, respecto da que poderá ser organismo intermedio, co obxectivo de elevar o nivel xeral de cualificación e atender as necesidades e demandas do sistema produtivo.
- O fomento do emprego e a colocación, a prevención de riscos laborais, a calidade, o medio ambiente, a responsabilidade social corporativa, a difusión dunha imaxe socialmente responsable das empresas e das organizacións empresariais, a internacionalización das empresas, a investigación o desenvolvemento e a innovación tecnolóxica e calquera outro que nun futuro puidera servir para defender e representar o interese do empresariado.
- O fomento do espírito emprendedor na sociedade e na formación en todos os seus niveis, así como o apoio á creación de empresas e ideas innovadoras que xeren riqueza e emprego.
- O establecemento, desenvolvemento e promoción de medidas, programas ou proxectos de intervención social que contribúan a solventar necesidades sociais relacionadas co emprego e a inserción laboral, con especial atención a colectivos en risco de exclusión social.
- A igualdade efectiva entre mulleres e homes.
- Calquera outros fines e funcións que se consideren necesario en beneficio do tecido empresarial.

Que ambas institucións consideran que a colaboración mutua pode contribuír á mellor realización das actividades propias de cada unha delas, así como á optimización dos seus recursos materiais e humanos.

Que co obxecto de poñer en práctica eses obxectivos, ambas partes acordan a sinatura do presente Convenio, sometido ás seguintes

CLÁUSULAS

Primeira.- Obxecto do convenio

A presente convenio busca crear pontes de colaboración no eido formativo incorporando ao catálogo de actividades ofertadas na Aula Profesional da Escola Técnica Superior de Enxeñaría (ETSE)¹ actividades formativas promovidas pola CEC. A Aula Profesional é unha materia obrigatoria de 6 ECTS do Grao en Enxeñaría Química (GrEQ)². Esta materia complementa a formación científico-técnica do estudiantado cunha serie de actividades que buscan a mellora da súa formación en competencias de tipo transversal ou en desafíos recentes do entorno profesional ao que se vai incorporar á finalización do título.

Segunda.- Compromisos entre las partes

Coa finalidade de acadar os obxectivos pretendidos mediante a sinatura deste Convenio, ambas partes comprométese ao seguinte:

- A CEC trasladará á coordinación do GrEQ a previsión de actividades formativas que considera adecuadas para a súa vinculación coa Aula Profesional da ETSE dúas veces por ano (febreiro e setembro, coincidindo co inicio dos dous semestres do curso académico).
- A USC (a través da coordinación do Grao en Enxeñaría Química) revisará a proposta de oferta e informará á CEC das actividades con capacidade de ser recoñecidas na Aula Profesional e validará ou establecerá (de non existir) os mecanismos de avaliación pertinentes.

¹ <https://www.usc.gal/gl/centro/escola-tecnica-superior-enxenaria/aula-profesional>

² <https://www.usc.gal/gl/estudios/gaos/enxenaria-arquitectura/grao-enxenaria-quimica-2a-edicion/20242025/aula-profesional-19802-18894-2-106273>

- A CEC establecerá a reserva de prazas dispoñibles en cada caso para o estudiantado da ETSE, e a Coordinación do GrEQ preparará a correspondente proposta no modelo definido polo procedemento de inclusión de actividades dentro da Aula Profesional ETSE.
- A CEC e a USC (a través do portal específico da Aula Profesional na web da ETSE) difundirán a oferta formativa conxunta buscando acadar a máxima participación nas actividades propostas.

Cuarta.- Obrigas económicas

Do presente Convenio non se derivan obrigas e compromisos económicos para ningunha das partes.

Quinta.- Resultados derivados do convenio

Os resultados derivados do desenvolvemento deste Convenio non incluídos no ámbito de aplicación da normativa de propiedade intelectual ou industrial corresponden a ambas partes, que poderán reproducilos e divulgalos para fins propios das mesmas.

Na difusión de resultados farase sempre mención ao presente Convenio.

Aqueles resultados obtidos susceptibles de protección respecto á súa propiedade intelectual ou industrial poñeranse, por parte dos interesados, en coñecemento dos responsables do Convenio, que adoptarán as medidas ao seu alcance para que se respecten os dereitos derivados da normativa vixente nesta materia.

Sexta.- Causas de resolución

Son causas de resolución do presente Convenio, en función do establecido no art. 12 apartado segundo do Regulamento para a xestión de convenios e protocolos xerais de actuación da USC e no art. 51 da Lei 40/2015, do 1 de outubro, de Réxime Xurídico do Sector Público.

- O transcurso do prazo de vixencia do Convenio sen haberse acordado a prórroga do mesmo.
- O mutuo acordo das partes asinantes, manifestado por escrito.
- O incumprimento das cláusulas por parte dalgunha das partes.
- Por decisión xudicial declaratoria da nulidade do Convenio.
- As causas previstas no Convenio e as establecidas na lexislación vixente.

Sétima.- Liquidación

O cumprimento e a resolución do Convenio dará lugar á liquidación do mesmo co obxecto de determinar as obrigas e compromisos de cada unha das partes segundo o estipulado no art. 52 da Lei 40/2015. Se cando teña lugar calquera das causas de resolución do Convenio existen actuacións en curso de execución, as partes, a proposta dos responsables da Comisión de Seguimento do Convenio, poderán acordar a continuación e finalización das actuacións en curso que consideren oportunas, establecendo un prazo improrrogable para súa finalización; transcorrido o mesmo deberase proceder á liquidación das mesmas.

Oitava. – Inexistencia de relación laboral

A subscripción do presente convenio non implica relación laboral, contractual ou de calquera outro tipo entre os profesionais de cada unha das partes que van desenvolver as actividades do presente convenio coa outra parte, de tal xeito que non se lles poderá esixir responsabilidade algunha, directa, indirecta nin subsidiaria, polos actos ou feitos acontecidos no seu desenvolvemento.

No suposto de que se establezan relacións de colaboración que impliquen o traballo en dependencias da USC, atenderase á normativa sobre prevención de riscos laborais.

Novena.- Entrada en vigor, vixencia, prórroga, denuncia e modificación do Convenio

O presente Convenio entrará en vigor na data da súa sinatura e terá unha vixencia de catro anos.

En calquera momento antes da finalización do prazo previsto no parágrafo anterior, os asinantes do Convenio poderán acordar a súa prórroga por un período de dous anos adicionais, acordo que debe ser formalizado por escrito, con anterioridade á expiración do prazo inicialmente convindo.

Non obstante o anterior, calquera das partes asinantes poderá dalo por terminado preavisando á outra de forma fidedigna con dous meses de antelación á data de resolución proposta. Serán os responsables do convenio os que determinen os efectos da extinción do Convenio sobre as actividades ou actuacións en curso.

A modificación do presente Convenio requirirá acordo unánime dos asinantes que será expresado por escrito e axuntado como Anexo ao presente Convenio.

Décima.- Responsables do convenio: Comisión de seguimento

Para a execución e seguimento do Convenio os responsables do mesmo por ambas partes serán:

a) Por parte da USC:

- o A coordinación do GrEQ: na actualidade a Prof. Almudena Hospido Quintana
- o A dirección da ETSE: na actualidade a Prof. Julia González Álvarez

b) Por parte da CEC:

- o A Responsable de Formación e Emprego: Pilar Pallín Lombao
- o A Responsable de PRL e RSC: María Botana Rocamonde

Os responsables terán como función a programación semestral potenciación, seguimento e avaliación das accións derivadas do presente Convenio, así como elevar informes e propostas aos órganos de decisión que correspondan. Así mesmo, serán os encargados de propoñer a solución amigable das controversias que puideran xurdir na interpretación e aplicación do Convenio.

Reuniranse cando o solicite algunha das partes e en todo caso, cando menos, unha vez ao ano.

Décimo primeira.- Transparencia, Publicidade e Imaxe Corporativa

O Convenio subscrito poderá ser posto a disposición dos cidadáns en aplicación do disposto na Lei 19/2013, do 9 de decembro, de Transparencia, acceso á Información Pública e bo goberno (BOE 10/12/2013), e na Lei 1/2016, do 18 de xaneiro, de Transparencia e bo goberno de Galicia.

As persoas que asina o presente Convenio manifestan o seu consentimento e autorización para incorporar no texto os seus datos persoais e o resto das especificacións contidas.

As partes poderán facer constar a presente colaboración sen que isto supoña que se autoriza para o uso da imaxe corporativa para un fin diferente ao das actividades reguladas no Convenio sendo necesaria, en todo caso, a autorización expresa da USC para facer uso do seu logotipo por calquera medio de difusión.

Décimo segunda.- Protección de datos

As partes asinantes deste convenio garantirán a confidencialidade dos datos persoais aos que teñan acceso como consecuencia das actuacións realizadas durante a súa execución, de conformidade co establecido na Lei

Orgánica 3/2018, do 5 de decembro, de protección de datos persoais e garantía dos dereitos dixitais e o no Regulamento 2016/679 da UE

A información sobre protección de datos da USC poderase solicitar na dirección electrónica: protecciondatos@usc.gal

A información sobre protección de datos da CEC poderase solicitar na dirección electrónica: lopd@cec.es

Décimo terceira.- Natureza do Convenio

O presente Convenio queda excluído da Lei 9/2017, do 8 de novembro, de Contratos do Sector Público, de acordo co establecido no seu artigo 6, e ten natureza administrativa, sendo competencia da xurisdición Contencioso-Administrativa a resolución das cuestións litixiosas que se susciten sobre o mesmo.

E en proba de conformidade con canto antecede, ambas partes asinan electronicamente o presente Convenio na data indicada.

Pola Universidade de Santiago de Compostela, Pola Confederación de Empresarios de La Coruña

O reitor,
Antonio López Díaz

O presidente,
Antonio Fontenla Ramil